



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Quæstio I. An Eucharistia sit Sacramentum.

[urn:nbn:de:hbz:466:1-72963](#)

238 Disp I. De Sacramento Eucharistia secundum se.
quitur Trid. sup.c.2. addens idem esse symbolum unius illius corporis, cuius ipse caput existit, cuique nos tamquam membra arctissima fidei, spei & charitatis connexionem adstrictos esse voluit, ut id ipsum omnes diceremus, nec essent in nobis schismata Nihilominus zizania execrabilium errorum & schismatum inimicus homo his nostris temporibus in doctrina fidei, usu, & cultu sacrosanctae Eucharistie superseminavit: quam alioqui Salvator noster in Ecclesia sua tamquam symbolum reliquit eus unitatis & charitatis, quia Christianos omnes inter se conjunctos & copulatos esse voluit, ut ait, Trid. in Proemio sess.13. Quocirca sanam & sinceram de Venerabili hoc & divino Sacramento doctrinam rudituri, pariter errores contrarios convellere & refellere studebimus, adjuncturi ea, qua salvâ parte Christianâ inter Catholicos sunt controversa.

DISPUTATIO PRIMA.

De Sacramento Eucharistia secundum se.

QUÆSTIO I.

An Eucharistia sit Sacramen-
tum?

Vox Euchari-
stia, deno-
tans idem
quod gra-
tiarum actio
seu bona
gratia, recte
quadrat
hunc sacra-
mentum.
EUCHARISTIA vox Græca idem est quod gratiarum actio, vel bona gratia. Est autem communis Ecclesiæ usum assumpta ad denotandum hoc Sacramentum. Et merito: tum quia ipse Christus ille instituens gratias egit, sive (ut est in Græco) eucharistizavit: tum quia nos idem in gratiarum actionem sumere & offere debemus. Similiter est bona gratia: tum quia est maximum Dei beneficium: tum quia confert gratiam: tum præcipue quia realiter continet Christum, qui est gratia plenus, omnisque gratiae fons.

Quod va-
riis insuper
nominibus
appellantur.
Vocatur etiam hoc Sacramentum communio, quia conjungit & unit fideles tamquam membra inter se & cum suo capite Christo, adeoque per ipsum communicant fideles Christo & inter se. Dicitur quoque Synaxis, id est, congregatio, sive propter eamdem fidelium societatem quam significat & efficit, sive quia solebant, ac etiam num solent ejus gratia fideles in unum convenire. Quarto antonomastice vocatur mysterium & Sacramentum, quia inter omnia Sacraenta rem maximè arcana & sacram continet. Pariter per antonomasiam vocatur Venerabile Sacramentum, quia singulariter præ ceteris sanctum & venerabi-

le est. Quinto quando datur morituris dicitur viaticum, quia viam sternit, & vires transitur ad alteram vitam suppeditat. Sexto dicitur etiam hostia, quia per sacrificium inclytum Deo offertur in gratiarum actionem. Septimo dicitur convivium, in quantum animam replex & satiat. Dicitur octavo cena Dominica; quia in ultima cena fuit institutum: quamvis hoc nomine (quod Hæreticis nostris maxime placet) frequenter abutantur iudicem Hæretici ad suos errores, ideoque cautè sit usurpare.

Dico: Eucharistia est verum Sacramentum. Est de fide, & constat ex Trid. 13. Florentino in Decreto de Armenis, Laterano-San-
nense c. Firmiter, le summa Trinit. Et ex per-
petua Traditione ac consensu Patrum &
Conciliariorum: nam ante annos mille ducentos in Concilio Carthaginensi III. c. 24. & 29.
appellatum est, Sacramentum altaris, & Sacra-
mentum corporis & sanguinis Domini. Patet etiam ex Matth. 26. Marci 14. Luca 22. Joan. 6.
Et 1. ad Cor. 11. & quidem ex Evangelio
constat fuisse institutum, ut perennaret in Ecclesia: nam Christus dixit: Hoc facite in meam commemorationem. Idem conflat ex Apostolo supra: Quotiescumque manducabis pa-
nem hunc, & calicem bibebis, mortem Domini am-
muntiabitur donec venias in regnum, ad judicandum. Ex quo Apostoli loco etiam conflat, fuisse rem fidelibus usitatam. In hoc etiam
satis convenienter cum Catholicis Hæretici
(paucis fortè antiquioribus exceptis) est
circa naturam hujus Sacramenti, partes
confitit.

constituentes, & virtutem ejusdem varie ercent. Ratio est, quod species panis & vini sunt quid sensibile à Christo ordinatum ad significandam gratiam, immo ad continentium omnis gratiae fontem, ut aspira patebit.

Congruentiam, suppositâ Sacramenti institutione, adfert D. Thomas q. 73. art. 1. Sicut d. 8. q. 1. n. 3. quod ultra generationem spirituali, que fit per Baptismum, & augmentum, quod fit per Confirmationem, opus fit cito de nutrimento spirituali, quo homo per totam . . . spiritualiter nutritur. Addit Scotus sup. quia congruum est Christum esse nebis in tali signo sensibili, ut magis excitetur quilibet ad reverentiam, & devotionem ad Christum. Et hoc patet de facto, quod quasi omnis devotio in Ecclesia est in ordine ad illud Sacramentum. Propter hoc enim Clericus cum majori diligentia persolvit officium divinum in ordine ad missam. Propter hoc etiam populus devotius audit missam, quam aliqui alii officium Ecclesiasticum. Propter hoc etiam singuli cum majori diligentia confitentur, quando intendunt secundum ordinationem Ecclesiae sicut semel in anno communicare. Ita ad verbum Scotus.

Dices: Sacraenta efficiunt id quod significant: Eucharistia autem nihil efficit, non enim gratiam; ut patet, quando affervatur in sacramento: neque etiam efficit corpus Christi, cum illud divinâ solùm virtute sub speciebus ponatur & conservetur. Resp. Eucharistiam esse causativam gratiae, est in actu secundo eam non caufer nisi dum sumitur: sicut ignis de se calefactivus actus non calefacit, nisi calefactibili applicetur. Ad rationem autem Sacramenti sufficiunt quod sit causativum gratiae, illamque actu caufer, dum actu applicatur: nam quod certa Sacraenta semper caufer dum actu sunt, inde oritur, quod sint successiva & consistant in actione, adeoque non habeant esse, nisi dum applicantur. Similiter Eucharistia suo modo efficit corpus Christi quoad esse præsentiale, quatenus Deus ponit & conservat illud sub speciebus consecratis dependenter ab illis, earumque consecratione.

Variæ hujus Sacramenti figuræ in veteri Testamento continentur. Primo, panis, quem protulit Melchisedech Gen. 14. Quem fuisse figuram Eucharistiae tradit Cyprianus, Ambrosius, Hieronymus, & ali Patres. Vide (inquit Chrysostomus Homil. 4. in Gen.) quomodo Sacramentum insinuat. Videlicet typum, cœgit, oro, & veritatem. Secundo panes propositionis, qui solùm à mundis & sanctificatis comedti poterant. 1. Regum 21. Tertiò panis primitiarum Leviticus 23. Quartò panis subcinericeus & angelicus, in cuius fortitudine ambulavit Elias quadraginta diebus & noctibus usque ad montem Dei Horeb, ubi

& Deum quodammodo vidit, 3. Regum 19. Quintò præclara Eucharistiae figura fuit, Manna, ut non solùm docent Patres, sed & ipse Christus Joan. 6. Et clamat res ipsa. Tanta est similitudo inter Eucharistiam & Manna, quod Angelicis manibus præparatum, filius Israël post transiit maris rubri ad terram promissionis pergentibus in deserto pluebat de celo. De quo Sap. 16. dicitur: Angelorum est nutriri populum tuum, & paratum panem de celo præstisti illis sine labore, omne delectamentum in se habentem, & omnis saporis suavitatem. In quo etiam illud fuit singulare, aptissime quadrans in Eucharistiam, ut licet aliqui multum, aliqui parum collegisse viderentur, omnes tamen eamdem mensuram invenirent, singuli juxta id quod poterant, Exodi 16.

Sextò Agnus Paschalis, Quem fuisse typum Eucharistiae tradunt Tertullianus, Hieronymus, Chrysostomus, Leo Papa & alii Patres. Nec aliam ob causam cui Agni Paschalis continuò institutionem Encharistiae subjunxit Christus, nisi ut significaret antiquam observantiam novo Sacramento adimpleri & tolli, teste Leone Papa. Serm. 7. de Passione Domini. Denique (ut alias figuræ Testamenti, omittam) Eucharistiae typus fuit sanguis testamenti, quo populum aspersit Moyses lecto Testamento seu mandatis veteris Legis, dicens: Hic Sanguis Testamenti, quod mandavit ad vos Deus; ad Hebr. 9 & Exodi 24. Unde Christus ipse in Sacramenti institutione condens novum Testamentum ante mortem coram Apostolis quasi testibus, instituit Eucharistiam quasi publicum instrumentum, extans ad memoriam. Ideoque signanter dixit: Hic est sanguis meus novi Testamenti Matth. 26. quem proinde aspersit in pectora discipulorum lecto seu dato eis novo mandato seu lege Joan. 13. Mandatum novum de vobis &c.

Verum hæc omnia figuræ tantum fuerunt, quibus proinde ipsa veritas seu Eucharistia est longè excellentior: figura enim servit veritati, & per eam impletur ac perficitur. Unde Apostolus ad Coloss. 2. figuræ veteres umbris, impletionem corpori comparat, & ad Hebr. 10 figuræ umbris, veritatem imaginis. Ideoque Hieronymus in cap. 1. ad Titum, ait: Tantum interest inter propositiones panes & corpus Christi, quantum inter umbras & corpora, inter imaginem & veritatem &c. Quamvis si panem Eucharisticum à veritate Corporis Christi secluderemus cum panu sed Sacramentarii, prædictæ figuræ non minus perfectæ forent, sive secundum se, sive in ratione signi respectu Christi: immo non nullæ præcellerent, v.g. manna, agnus paschalisch, & sanguis testamenti. Quod non parum refellit errorem Sacramentariorum.

QUE-